



Aleqa Hammond
Siumut

Aleqa Hammondimit § 36 naapertorlugu apeqqummut 2010-120-mut akissuteqaat

7. maj 2010.

Inatsisartut suleriaasianni § 36, imm. 1 malillugu Aleqa Hammond imaattumik apeqquteqarpoq:

Postboks 930
3900 Nuuk
Tlf. (+299) 34 68 00
Fax (+299) 32 43 02
E-mail: bmp@nanoq.gl
www.nanoq.gl

Inatsisartut upernaag manna ataatsimiinneranni aatsitassanut tunngasunut naalakkersuisup apeqqarissaarfigineqarnermini oqaatigaa ukiamut inatsisartut aatsitassaqarneq pillugu oqallinnermi aatsitassat uranimik akullit pillugit isummernissaa sioqqullugu innuttaasuni oqallinneq annertunerusoq pisariaqartoq, taamaammat apeqqutigiumavara naalakkersuisut sumi aammalu qaqugu qulequtaq pineqartoq pillugu innuttaasunik ataatsimiititsinialersaarpat?

Akissuteqaat:

Akissuteqaammi matumani apeqqut nassuiarniassavara, tamatumalu saniatigut suliniutit ilai apeqquteqaammut atatillugu taaneqartut itisiliiffigissallugit.

Ukiuni marlussunni kingullerni urani pillugu innuttaasunik arlaleriartumik ataatsimiititsereersimanerit eqqarsaatigalugit, nalliiivunga suliap ingerlateqqinnerani innuttaasut peqataatinnissaannut, ataatsimiititsisarnernut nalinginnaasumik ileqqorineqartunut, amerlanertigut ikittuinnaat orniguffigisagaannut naleqqiullugu, sakkussat elektroniskiusut atoraanni tamanna sunniuteqarnerpaajussasoq. Taamaattumik ataani taaneqartunut naapertuuttumik paasititsiniaanermi periaaseq nalileqqinniarlugu aalajangersimavunga. Piffissatigut pilersaarutip aamma takutippaa, ukioq manna ukiup affaani siullermi tamanut ammasumik oqallinnernut tusarnaarnissaq pigaartissimagiga, tamatuma kingorna tunngaviusumik inassuteqaatinik saqqummiussinissaq siunertarlugu Naalakkersuisut sinnerlugit oqallinnernut akuliutinnginninni.

Paasititsiniaanissanut pilersaarutit:

- a) Qaammarsaalluni paasititsiniaanissaq pilersaarutigineqarpoq, ilaatigut pissutsit assigiinngitsut aatsitassanik il.il. misissuinernut/piiaanernut attuumassuteqartut pillugit nassuiaasumik quppersakkamik naqiterititsisoqassalluni. Quppersakkap naqiterneqarnera 2010-imi aggustip qiteqqutereernerani naammassissasoq pilersaarutigineqarpoq. Quppersagaq sullissivinnit arlaannaannulluunniit attuumassuteqanngitsunit suliarineqassaaq, soorlu GEUS, DMU, RISØ, Strålehygiejnisk Institut allallu.

- b) Radiokkut/TV-kut aallakaatitassianik suliarinnittoqassaaq, immikkut ilisimasallit arlaannaannulluunniit attuumassuteqanngitsut aatsitassarsiornermik ingerlatsinermi, avatangiisinut sunniutaasartut il.il. inuiaqatigiinnik kalluaasussat pillugit nassuiaateqartartussaallutik. Radiokkut/TV-kut aallakaatitsinerne kattuffiit assigiinngitsut innuttaasullu peqataatinneqassapput, uran-imik piaanissamut isumaqataanertik akerliunertilluunniit pillugu oqaaseqarnissaminut periarfissinneqassallutik. Aallakaatitassiat 2010-mi aggustusimi aallakaatinneqassapput.
- c) Canadami Saskatchewan-imut 2010-mi septembarip aallartinnerani tikeraartitsissallutik Naalakkersuisut pilersaarutigaat. Angalaneq ulluni 5-6- ini sivisussuseqassaaq. Siunertarineqarpoq Canadami naalagaaffeeqqamit uran-imik paaaffiqeqartumit ilisimasanik misilittakkanillu katersinissaq. Naalakkersuisut siunniuppaat Inuussutissarsiornermut Ataatsimiititaliami ilaasortat, kiisalu Kommune Kujallermi politikerit atorfilittallu susassaqtut qaaqqussallugit. Saskatchewan-imi aamma Aatsitassanut Ikummatissanullu Pisortaqarfimmi oqartussaasutut akisussaasut akornanni pilersaarutit pillugit oqaloqatigiissutigineqaleruttorput. Angalatitat inuit 15-it missaanniissapput. Saskatchewan-imi oqaloqatigiissutissat makkuussasut Kalaallit Nunaata siunnersuutigai:
- 1) Uran-imik misissuinerneq piaanermullu atatillugu naleqqussaanerit nakkutilleeriaatsillu, tamakkununga ilaallutik avatangiisit, isumannaallisaanerit peqqissuserlu.
 - 2) Soqutigisaqatigiinnik assigiinngitsunik ataatsimeeqateqarnerit
 - 3) Uranimik paaaffimmut takorniarneq.
- d) Radiokkut/TV-kut qaammarsaalluni paasisitsiniaanermut uiggiullugu annertunerusumik aaqqissuussisoqarsinnaanera Naalakkersuisut misissussavaat, soorlu sumiiffikkaani aatsitassarsiornermik ingerlatsinissanut kalluarneqartussani innuttaasunik ataatsimiititsinerit.
- e) Naalakkersuisut qulakkiissavaat, pilersaarutit piviusunngortinnissaat pillugu aalajangiisoqannginnerani, innuttaasut aatsitassarsiornermik pilersaarutinit kalluarneqartussat peqataatinnissaat.

Inussiarnersumik inuulluaqqusilluta

Inuussutissarsiornermut Aatsitassanullu Naalakkersuisoq
Ove Karl Berthelsen